



Sorotan 2007: Coretan Perjalanan

Majlis Penyerahan Watikah Perlantikan Canselor Universiti Malaysia Perlis (UniMAP).

10 April 2007

Duli Yang Teramat Mulia Raja Muda Perlis, Tuanku Syed Faizuddin Putra Ibni Tuanku Syed Sirajuddin Jamalullail dilantik buat kali kedua sebagai Canselor Universiti Malaysia Perlis (UniMAP) untuk tempoh lima tahun bermula 1 Februari 2007 lalu.

Sebelum ini, Baginda pernah dilantik menjadi Canselor Kolej Universiti Kejuruteraan Utara Malaysia (KUKUM) selama tiga tahun sebelum penjenamaan semula UniMAP pada 1 Februari 2007 lalu.

Upacara penyerahan watikah perlantikan daripada Seri Paduka Baginda Yang di-Pertuan Agong, Sultan Mizan Zainal Abidin itu, disampaikan oleh Naib Canselor UniMAP, Y.Bhg. Kol Prof. Dato` Dr. Kamarudin Husin di Bilik Hijau, Istana Arau, 10 April lalu. Turut hadir, Timbalan Naib Canselor (Akademik dan Antarabangsa) Prof. Dr. Ali Yeon Md Shakaff dan Timbalan Naib Canselor (Penyelidikan dan Inovasi) Prof. Dr. Zul Azhar Zahid Jamal dan pegawai-pegawai utama UniMAP.



Dalam titah ucapannya, DYTM Tuanku Canselor menasihatkan warga UniMAP supaya tidak dibuai mimpi indah dan mudah berpuas hati dengan kejayaan yang dicapai, sebaliknya harus bekerja lebih keras dan meletakkan kerja sebagai satu ibadah. Baginda juga mensasarkan UniMAP akan tersenarai sebagai antara 10 buah universiti terbaik Malaysia dalam tempoh lima tahun akan datang. DYTM Tuanku Canselor percaya perkara itu akan dapat dicapai jika semua warga UniMAP berusaha dengan lebih gigih dan mempunyai cita-cita yang sama.